

YMA Chu tanpui ngaite tanpuitu a ni

ESTD.1990



YMA

AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.4 23rd Jan. 2011

2011 YMA SECTION HRUAITU THLANG DAWN

Chanmari West January 23: 2011 CWBYMA OB meeting hmasa ber ni 17/1/11 zana neih chuan kum 2011 chhunga Chanmari West Branch YMA hnuia section hrang hrang te hruaitu tur thlanna chu Ni 27/1/2011 (Ninga) zan ah section tinah neih turin a rel a, inthlanna hmun tur leh programme chu sectionte kutah dah a niin inthlan senso pawh section te tum turah dah a ni. Tin, 2011 YMAAW enkawltu turtur, Br YMA Advisers turtur, Sub committee hrang hrang din turtur an siamfel a, tin section leh sub committee kaihruaina tur pawh an duangfel nghal a ni. YMAAW hi February thla atanga Ed Bd tharin a enkawlturin an rel a ni.

OB meeting thurel, mipuite hriat awm tlangpuite hetiangin:

1. Kumin 2011 chhung atan Section a ngai angin din leh a ni a, Section hruaitu turtur Ni 27.1.2011(Ninga) zan dar 6:30-ah thlanna neih tur a ni, Nomination mi 25 aia tam lo section committee (2010) ten siam tur a ni a, inthlanna hmunah floor nominate mi 3 aia tam lo tih theih a ni ang. Branch O.B te RO ah tangin PO tur an ruat thei ang, RO turtur chu hetiangin :

Chawngbawla Section : Pu R.L.Thanhnuna, Secretary
Khuangchera Section : Pu Lalthuamluia, Fin.Secretary
Neuva Section : Pu R.Lalhmachhuana, Vice.President
Taitesena Section : Pu C.Lalzarliana, Treasurer
Vanapa Section : Pu K.Darthatluanga, Asst.Secretary

2. Kumin 2011 chhunga kan Branch YMA Adviser atana ruatte :

1. Pi Zamanthangi
2. Pu Vanlalsawma
3. Pu Lalbiakthanga Khiangte
4. Pu Rothuama

3. YMA Aw Editorial Board atan heng mite hi ruat an ni :

Editor	:	Pu RK.Rozidinga
Joint Editor	:	Tv RK.Malsawmkima
News Editors	:	1. Tv Thangkhuma 2. Pu Vanlalhluta 3. Tv Vanlalfawna
Cir.Managers	:	1. Tv Johny Lalthanpua 2. Tv Jacob Lalrinsanga
Prod. Manager	:	Pu R Lalhmachhuana V. President

VOTERS' DAY CHUNGCHANG HRIATTIRNA

Election Commission of India thupek angin Ni 25/1/2011 (Thawhlehni) hian India ram pumah VOTERS' DAY hman tur a ni a. Ahnuia hun leh hmun tarlan ang hian Chanmari West veng chhungah pawh he ni hi hman tur a ni. He hunah hian Voter's ID (EPIC) sem tur a nih avangin Electoral Roll-a thun thar zawng zawngte chu kal vek tur a ni.

A hun : Ni 25/1/2011 (Thawhlehni) Dar 11:00 AM

A hmun : Chanmari West Middle School

Sd/-

Zothangzuala Chhangte

Booth Level Officer

12/4 Chanmari West - III

Branch News

Khuangchera Section ten bungraw In tur an sak chhunzawm zelna atan ` 3000/-Branch sum atanga pek an ni.

Kumin chhung atan heng, Kumpuan, Park, Property leh Thlanmuala Sub-Committee te din leh an ni a, section inthlan zawah hruaitu turtur hi ruat an ni ang.

Kumin 2011 chhunga Section leh Sub-Committee kaihruaina tur siam fel a ni.

Section O.B atana thlanchhuah ten Committee member tur mi 25 aia tam lo, YMA Aw Agent tur 1 leh YMA Chanchinbu Sub-Agent tur 1 ruat tur a ni.

MARATHON RACE

Pu Lalngakliana Filling Station Kulikawn a mite chuan Oil renchem Awareness Campaignna atan Ni 29.1.2011(Inrinni) zing dar 6:00 khian Marathon Race, kan veng kawngkawipui atanga Kulikawn Petrol Pump thleng an buatsah turah kan Branch atanga mi 150 tlan tura min rawn ngen angin tlan tur a ni a. A tlan turte mi 30 theuh Section ten ruat tur a ni. A tlan zawng zawngte hian T-Shirt, lukhum leh refreshment a thlawn a dawn tur a ni.

BPL Member te Hriattirna

Chanmari West BPL member te tan BPL Family Card Secretary hnen ah lam theih a ni e. Memberte a ranglama lamturin an in hriattir.



TUN KAR CHANGVAWN

Thlemlaa in luh loh nan inring reng rengin tawngtai rawh u. Thlarau zawngin a peih a, tisa erawhchu a chak lo a ni, a ti a.

Marka 14:38

Editorial Board

Editor	: Lalramliana (Tetea) (9862405274)
Joint Editor	: R. K. Rozidinga (9436142304) P. C. Lalmalsawma (9436365770)
News Editor	: Zoramthanga Ralte Zothankima (Ate-a) (9856450643)
Cir. Manager	: Johny Lalthanpuia (9612359161) Jacob Lalrinsanga (9612319779)
Production Manager	: K. Darthantluanga (9436196071)

Branch Office Bearer

President	: T. Ngurkhuma	9436190843
Vice President	: Lalthuamluaia	9612216649
Secretary	: R.L. Thahnuna	9436152760
Asst.Secretary	: K.Darthantluanga	9436196071
Treasurer	: C.Lalzarliana	9436142049
Fin.Secretary	: R.Lalhmachhuana	9436151817
Advisers	:	
	Pu Vanlalhuma VCP,	Pu Vanlalsawma
	Pu H. V. L. Zarzoenga,	Pu Lalbiakthanga Khiangte

Editorial:

Kan hun a tawp tawh dawn emaw kan ti a, tute emaw pension tawh tur hun an pawhsei sak ang deuhin kan hruaitute'n hun min pawhsei sak tlat! Karleh pawh keimahni tho kan la nih hmel leh si e. Khawtlang rawngbawl thei a kan la awm hi kan va lawm em!

Hei, section hruaitu kan thlang dawn a ni a, sectionte hi Branch kutke ber, Br YMA hnathawk tu ber a ni a, Branch hmingchhiatna leh hmingthatna pawh an mahni kuta awm tlat a ni. Hruaitu tur thlan pawh uluk leh fimkhur a tha ngawt mai. Mi puitling leh rilru fim hmang thei, khawtlang chhiatni thatni a rintlak thlang thei theuh i la a duhawm viau ang. Vengchhunga pawl hrang hrang ho in hruaitu an thlang fel thawkhat tawh a, pawl dang a hruaitu, a bik takin OB nihna chelh tawh ho hi chu memberte hian thlang lo thiam i la a tha ngawt mai, hei ang veng lian riang ruangah hian hruaitu tur mifel tam tak an awm a, mi pakhat in nihna a chelh kawp tun hian pawl hmalakna a ti thuanawp thei fo a ni. Chutihlaui, pawl danga hruaitute hian chhiatni thatni hi YMA hruaitute hmalakna tur bik a ngaih leh dah mai erawh thil dik a ni hauh lo, YMA member ka nihna vang ni lovin, Mizo ka nihna avangin kan tih tur liau liau ani. Chhiat that tawk thei vek kan ni a, hetia kan in tawiawm liam liam hi Mizo nih a nawmna a lo ni reng si a.

Keimahni.....

- ¤ Aitawa leh Mahriata lawmman dawn kan lawm haps haps.
- ¤ Pu Zothangzuala Chhangte K-Section chuan kan ei in leina tur min pe a kan lawm kher mai.
- ¤ Chulopawh, Amawii CH-section dawr te'n chhang min pe bawk, kan lawm.

2011 SECTION YMA NOMINATION LIST

TAITESENA SECTION

- 1.Pu Lalngaihawma
- 2.Pu R.Lalsangzuala
- 3.Pu H.Lalremruata
- 4.Pu Rodingliana Tochhawng
- 5.Pu C.Lalmuankima
- 6.Pu H.Lalramhluna
- 7.Pu Lalchhuanliana
- 8.Pu Lalbiakhlu
- 9.Pu C.Zohmingliana
- 10.Tv.C.Lalfela
- 11.Tv.Malsawmtluanga
- 12.NI.Lalthlamuanpuii
- 13.Pu Lalhmingliana (Puia)
- 14.Pu R.K.Rozidinga
- 15.Tv.Malsawmtluanga (Mala)
- 16.Pu Lalbiakkima Sailo
- 17.NI.Lalthanpuii
- 18.Tv.R.K.Malsawmkima
- 19.Tv.Johny Lalthanpuia
- 20.Pu Lalrozama
- 21.Tv.Lalbiaksanga (Bsa)
- 22.Pu H.Lalthazel
- 23.Pu Lalrinsanga
- 24.Pu P.Lalramliana
- 25.Pu Lalbiakzuala (Bza)

NEUVA SECTION

- 1.EVL Hruaitluanga
- 2.H. Vanlaluata
- 3.Jacob Lalrinsanga
- 4.Jenny Malsawmtluangi
- 5.K.Lalchullova
- 6.K.Lalzuthanga
- 7.Lalchhandama
- 8.Lalhmingsanga Pautu
- 9.Lalremruata
- 10.Lalremruata Hauzel.
- 11.Lalliansangpuia
- 12.Lalramengi
- 13.Lalrindiki Ralte
- 14.Lalmuanpuia Jongte
- 15.Lalharuma
- 16.Lalhazuala Pautu
- 17.Laltlanzova
- 18.Michael Lalhriatpuia
- 19.Michael Lalrimawia
- 20.Ricky Lallawmkima
- 21.R.Lalnuntluanga
- 22.Vanlalngheta
- 23.Vanlalrova
- 24.Vanlaluana
- 25.Zairemmawia

VANAPA SECTION

- 1.Pu.H.Vanlalvena
- 2.Pu.R.Lalbiakzauva
- 3.Pu.Zosangliana
- 4.NI.Zoar Lalrammawii
- 5.Tv.Zohmingliana Tlau
- 6.Pu P.C.Lalawmawia
- 7.NI.Vanlalmuanpuii
- 8.Pu Roluahpuia
- 9.Pu R.Vanlalsawma
- 10.Tv.Vanlalhriata
- 11.Pu T.Sangkhuma
- 12.NI.Lalrotluangi
- 13.Tv.R.Lalrinngheta
- 14.Tv.Zothankima
- 15.Pu V.L.Thakima
- 16.Pu Zairemthanga
- 17.Pu H.Lalremluanga
- 18.Pu Laltanpuia (Tpa)
- 19.Tv.Lalnunhlima
- 20.Pu Gordon Zosangliana
- 21.Pu H.Lalrammawia
- 22.Pu K.Lalhmachhuana
- 23.Pu H.Lallianzauva
- 24.Pu P.C.Lalremkima
- 25.Pu R.Laltanpuia

KHUANGCHERA SECTION

- 1.H. Laltanpuia
- 2.H. Vanlalsanga
- 3.H. Vanlalhruaii
- 4.H. V. Lalthavela
- 5.Irene Lalhmingmawii
- 6.K.Lalengmawia
- 7.Lalchhanhima (Puia)
- 8.Lalliansanga
- 9.Lalremruata Pachuau
- 10.Lalrimuana
- 11.Lalrinliana
- 12.Lalthlamuana
- 13.Laltlankima
- 14.R.Ramfangzauva
- 15.Rochungnunga
- 16.T.C.Lalhthangliana
- 17.T.Lalrinawma
- 18.Zonunsanga

Inthlanna hmun turte :

- T-Sect. - Pu C.Sangkhuma In chung
- K-Sect. - L.M. Primary School.
- V-Sect. - Upa H.Lalrawna In.
- N-Sect. - Pasaltha Neuva In

TAITESENA

¤ Ni 20.1.2011(Ninga) zan khan meeting pawimawh tak neih a ni a, kum 2011 chhunga hruaitu tur (Nomination List) siam a ni.

¤ Section Inthlan hi karleh ni 27.1.2011 (Ninga) Dar 6:30 p.m ah Pu C.Sangkhuma In chung ah neih tur a ni a, memberte kim taka kal turin an ingen.

¤ Hruaitu thlan hi memberte'n ngai pawimawh tur leh section in hma a sawn theih na tura hruaitu tha kan thlanchhuah ngei theih na turin member tawh phawt chu thawkchhuak theuh tur a ngen kan ni e.

¤ Inthlanna ah hian ei leh in tuhnai tak buatsaih a ni ang.

¤ An member Ni.Lalnunpari d/o H.Rohmingthanga chuan Hindi BA II Div ah thatak in a pass a an lawmpui hle.

VANAPA

¤ Ni 27.1.2011 (Ninga) zan dar 6:30 hian Upa H.Lalrawna te inah Kum 2011 Section YMA hruaitu tur thlanna neih tur a ni a, memberte kim taka kal theuh turin kan inngen a ni e. Sawhchiar ei tur siam a ni bawk ang.

¤ Tunlai khua a thal chho leh ta a kangmei a chhuah loh nan chhunginti e fimkhur theuh ang u.

¤ Section huamchhungah bawlhhlawh paikh motor a lo kal thin tawh bawk a, lui kawrah bawlhhlawh paikh tawh lo turin an in hriattir.

NEUVA

¤ Ni 20.1.2011 (Ninga) zan khan Section Committee pawimawh tak neih a ni

¤ Ni 27.1.2011 (Ninga) zan dar 6:30 khian Pasaltha Neuva inah kum 2011 hruaitu tur (OB) thlanna neih tur a ni a, member a tam thei ang ber kal tur in an in hriattir.

¤ An hruaitu Pu Lalremruata a fanu damlo hruaia Shillong zin leh Pu K Lalzithanga Treasurer, Tv Lalnunzawma te eizawnna thil a zin te dam a an lo how leh thuai an duhsak.

¤ Kum 2010 chhunga member tlawnngai Branch YMA in chawimawina a hlan zingah Tv. EVL Hruaitluanga s/o R Lalhminglana leh

N1 Jenny Malsawmtluangi s/o S Lalsangliana te an tel chu an lawmpuiin an chhuang hle.

¤ Khuangpu, YMA khawhar lenpuia tel thin Pu G Zama, Pu K Lalthanzauva leh Pu Laldinliana hla hril chawimawina dawngtu N1. Lalrindiki Ralte leh N1. Lalhminghlu te an chhuangin an lawmpui hle.

¤ Marathon Race a tel turte'n section secretary hnenah hming pek luh theih reng a ni e.

KHUANGCHERA

¤ Ni 15.1.2011 khan memberte'n Bungraw In sak hnatiang an nei leh a. Mi 60 lai thawkchhuak chungah lawmthu an sawi a, thing leh rangva phurhnan leh a tul tul a lirthei thawhtu Pu H.Laltanpuia, Pu Lalrinliana, Pu Lalrochama leh Tv Andrew Lalruatfela te chungah lawmthu an sawi.

Tin, hnatiang ah hian Pu H.Lalthuama V-Section, Pu R.Lalmalsawma Br.Exe. V-Section te an rawn hnatiang bawka an chungah lawmthu an sawi.

¤ Ni 19.1.11 khan Section hruaitute'n hnatiang neih leh niin hruaitu 19 thawkchhuakin hruaitu pawnlam mi Pu F.Hmangaihsanga, Pu F.Lalhmingmawia leh Pu Tlangchhuana te an hnatiang bawk a lawmthu an sawi bawk. Hruaitu hnatiang phatna la pe lo te a ranglama pe turin an in ngen.

¤ Bungraw In sak mekah heng mite hian tanpuina an pe a, lawmthu an sawi mawlh mawlh :-
 1.Pu Lalchhanhima(Puia) - ` 500/-
 2.Pu K.Lalengmawia - ` 500/-
 3.Pu HV.Lalthavela - ` 400/-
 4. Pu C. Thanslama - ` 100/-
 5. Pu VL Huma - ` 100/-
 4.Pu Lalrinliana - Rod
 5.Pu R.Ramfangzauva - Buhfai
 6.Pu H.Laltanpuia - Thingzai leh Rawng.

¤ Branch OB Meeting thuchhuak angin Section OB meeting chuan section hruaitu thlanna Ni 27.1.2011(Ninga) zan Dar 6:30 hian L.M. Primary School ah neih turin a rel, member a tam thei ang ber he inthlanna ah hian tel turin an in beisei.

ZCC 2011 HRUAITU TURTE

¤ Zofa Cultural Club (ZCC) Chanmari West chuan kum 2011 chhunga an hruaitu tur thlanna ni 21/1/11 zan khan Chanmari West Indoor Stadium-ah an nei. Thlanchhuahte chu hetiangin:

President : Pu Zonunsanga

V. President : Tv V.Biaknghinglova

Secretary : Pu Lalbiakhlu

Asst. Secretary: Tv Zohmingliana Tlau

Treasurer : N1. Vanlalmuanpui

Fin. Secretary: Tv. R. Lalrinngheta

¤ Inthlanna atana indoor stadium hmantirtu Indoor Management Committee chungah an lawmzia thu sawiin K-section YMA in bungrua phal taka an hmantir avangin an lawmthu an sawi bawk.

¤ Ni 23/1/11 (Pathianni) tlai dar 3 ah President Pu Zonunsanga te inah tlai dar 3 ah charge inhlantur a ni e

MHIP NEWS

¤ Chanmari West Br.MHIP te chuan Ni 17.1.2011(Mon) Dar 7:00 khan Pu R.Rokima inah charge inhlanna an nei a, Ni 20.1.11 (Thu) zan dar 7:00 khan Pu R.Thansanga inah OB meeting hmasaber neih a ni a, hetah hian Branch Executive Member turin mi 63 ruat an ni a, Adviser turin heng mite hi a ruat an ni bawk :

1. Pu T.Ngurk huma President, CWBYMA

2. Pu Nundanga

¤ Ni 17.1.2011 ni khan Anganwadi IV chu CDPO in a rawn tlawh a, media lam te pawh lokalin interview na te neih a ni.

¤ MHIP Building tur pawh sak mai theihin ruahmannna siam a ni tawh.

LOCAL COUNCIL NEWS

¤ Sorkar atangin BPL leh AAY thlan that leh tur a thupek hmuh a ni a, a thlangtu tur hian thuneitute chuan Local Council Member zawng zawng, Branch YMA President leh Secretary, Section hrang hrang Leader leh Secretary, MUP leh MHIP President leh Secretary te theuh chu a ruat an ni. BPL leh AAY thlang tha leh tura inhmuhkhawm hun hi remchang hmasa berah neih tur a ni.

Indian football a damkhaw chhuak ang em ?

T-a

1984 hnu a vawi khat nan Asia khawmualpuia football thiam bik ram 16-te inelnaah India a tel a. Mualphothlak takin Asian Cup atangin tla mah se Indian football tan hmasawnnaa ngaih a ni a, khawvel thlirin India a sang lo hle tih a chiang.

Tunlaia Indian footballer langsar leh talent nei tha bera ngaih Sunil Chhetri chuan Indian football chhungri a hmuhin manganthlak a tih thu a sawi a. Delhi tlangval kum 26 mi hian football ngaihsan lohna United States-a Major League Soccer team Kansas City tan khel mekin, khawvela mihring tamna ber dawttuin khawvel el tura football-a tlakchham a la ngahzia a hmu.

Chhetri hian Qatar khawpui Doha-a khel Asian Cup-ah India tan goal hniih thunin, Bob Houghton-a team-in Group C-ah South Korea, Australia leh Bahrain awmpuiin an tlawm chiang hle vek a, goal thum khung vein 13 an chhuah.

Asian Cup khel tura an inbuatsaih laiin Indian team-in India an chhuahsan a, Dubai leh Portugal-ah inpuahchahna tournameit an hmachhawn a. Eng dang vang ni lovin India ram chhunga training-na hmun mumal pakhat mah a awm lo vang niin a ngaih theih.

"Kan ram hi mipui maktaduai 1.2 awmna angin kan sawi a, ram lian ni mah se traning-na hmun pakhat pawh a awm lo. Inelna mumal awm si lovin inbuatsaih nan thla ruk, thla nga, thla li kan hmang a, lungchhiatna tawp a tling.

"Qatar-ah kan kal a, ram te reuh te a ni a, kan rama football khelmual kan neih that ber aia tha stadium sang chuang a awm a. Amanganthlak em em a, mahse, hei hi kan dinhmun tawnmek chu a ni si a ni," Chhetri chuan a ti.

June 2006 atang khan kum 31 coach nia hun lo hmang tawh kum 63 mi Houghton ruaiin, Indian football-in sum a sent tam phain a chungah beiseina pawh a nei sang a. Mahse, kum li leh a chanve hnuah pawh Fifa ranking-ah 144-na a la luah tho va. Englishman Houghton nge dem tur Indian football tih pawh hriat harsa a ni.

Champions League final khel theia Swedish club Malmo (1979) lo hrui tawh Houghton chuan : "Coach ka nih tawhnaah hian nuam ka ti em em thin a, mahse, tuna mi hi chu a hautak ber a ni," tiin a sawi.

Fifa president Sepp Blatter chuan kum 10 hnuah chuan India chu World Cup thleng thei mai tura a ngaih thu a sawi laiin, khawvel el tura inkhelhna hmuhma tha a tlachham hlawm tawp erawh chu mak a ti a. India hian sumdawnna leh thil dangah thiltihtheihna nasa tak nei a ni tih chiang taka a hmuh avang erawh chuan, cricket atchilhna ramah football-in tun ai hian hmun chang thuk hret se awmzia a nei ang tih a ring hle a ni.

India hi tun hma chuan football-ah

ram hmuhsitawm tak a ni bik lo. 1854 khan Asian leilungah a lo inkhel daih tawh a, 1954 khan Asian Games-ah gold medal lain 1956 Olympics-ah semifinal a thleng a, 1950 World Cup-ah pawh Asia khawmualpuia team tha bera ngaih a nih avangin sawmna a dawng hial a, mahse, tunah chuan khang hunte kha hman lai an chang zo ta.

Mahse, mi hausa tamna India-ah football a la thi bo bik lo. All India Football Federation chuan thla kal ta khan sponsor hlu tham tak a hmu a. IMG Worldwide and Reliance chuan kum 15 chhung atan dollar maktaduai 150-in a sponsor dawn a. Reliance hian engkima Indian football hniam lutuk chhanchhuah duhin sum hlawn lian a thap a, sum a pek tur hmang hian football inrelbawlna fel tawk lo zawi zawia siam that a, hmasawntir a, tihiar a, India ram pum huapa kalpui a, professional kalphunga a bulthuma bultantir leh a duh a ni.

World Cup chu sawi loh 2019 Asian Cup thleng turin India a inpeih ang em tiin Asian Football Confederation President Mohamed bin Hammam an zawl a. Ani chuan dilna thlen ta se, pawmsak tur chuan hna an thawh nasat a ngai ngawt ang. Vawiina intenational football standard kan kalpui mek umpha turin tuna an hmuhma neih mek hi an chei that hle a ngai dawn a, tichuan India a inpeih thei chauh ang, a ti.

Football-in hmun chang thuk lo hlea ngaih ni mah se, kum kal ta World Cup kha India rama mipui maktaduai 110 velin an ena chhut a ni thung a. Chuti a nih chuan khawvel ram malah India aia World Cup en nasa an awm mang lo.

Chutih laiin India-ah chuan talent awm mah se, chher puitlinga khawvel el turin khelmual tha a awm lo va, training-na hmantlak takngial pawh a awm chuang lo. International level inkhel thlenna tlak stadium pakhat pawh la nei lo hian football-ah hmasawn zawngin ke a pen thei ang em tih hi ngaihtuah tham tak a ni.

LOAN PUK THEIH

Sumdawng, Dawrkai, Sorkar emaw Company emaw a hnathawk ngivet (Regularised) etc. te tan loan a dil theih reng e. Hrechiang duh chuan Office hun chhungin zawh fiah theih reng a ni e.

NEREFS LTD.
WEST AIZAWL BRANCH
AXIS ATM CHUNG,
VAIVAKAWN, AIZAWL.

Ph. No.2306008

HETAH HIAN SMS LA

>>9862405274<<

Inrinni tuk vengchhung sa talhna a sa kan lei hian kan mizia a va langchiang tak em, lo thlir ve thin mah teh u. **986207_ _ _1**

YMA Park-ah hian duty hi a awm theih ngang loh a mi? Vengchhung hmel a lang si a, kan hruihute hian ngaihtuah dan a awm lo maw... **986291_ _ _1**

Sande Skul hminglama 'awm' tih ngaipawimawh em em te hian inkhwam dang an ngaipawimawh lemlo. **961213_ _ _9**

V-Section tawp lam Step remtu te kha in va rem chhe sawt ve. **961225_ _ _1**

(SMS kan dawn te hi Ed. Bd
ngaihdan a ni vek kher lo)

LUSUN/KHAWHAR

CWBYMA member Pi Lalhmangaihsangi (41) w/o Pu Lalzuimawia CH Section ami chuan Ni 16/1/11 khan min boralsan. Lusun chhungte CWBYMA chuan a tuarpui a, Pathian awmpuina chang zel turin duhsakna a hlan.

VENG MIPUI TE HNENA NGENNA LEH HRIATTIRNA

Ni 12.2.2011 Red Ribbon Inter Village Football Tournament lo awm turah hian kan veng pawh chhuah ve ngei nise tih Chanmari West Local Council chuan a rel a, he tournament ah hian sum leh pai engemawzat mamawh a nih leh dawn avangin vengchhungah Donation Local Council member te leh Sporting Club ten an rawn khawn dawn a, vengchhung mipuite veng tan a ni tih hria a tlawmngaih chhuaha remchan ang ang lo pe theuh turin kan in ngen tak meuh a ni e.

Sd/-
Chairman
Local Council.

UI BO

Poochi-a, uite buk, a pa, a mei tawi, a var leh buang. In lo hmuh chuan ahnuia contact ah hian min lo hrilh hram ula kan lawm hle ang. Mitvar man kan lo pe ang che u.
9436152442/2348295

UI CHHAR

Ui te buk chi chhar a ni a, a hrechiang duh chuan a hnuai No, ah hian zawhfiah theih a ni e.

9774585276